

# ZIRHTU ZIRNAK NEIH (TUTOR LEARNING INITIATIVE): NU LE PA PAWL, KILKHAWITUPAWL LE INNSANGPAWL THEIHTERNAK

Himi theihternak hi nu le pa pawl, kilkhawitupawl le enkawltupawl hrang Zirhtu zirkum neih (Tutor Learning Initiative) ding thu ah, cui zirhnak in 2021 zirkum ah a tha hmem ding a si.

2020 tlawng zirkum hi cu tlawngtapawl le mipi hrangah a har hlei cuangmi a si.

Victori tlawngta tamsan in tui kum Term2 le 3 sung cu inn ihsin tlawng kai tam sawn a si ih cumi sungih tlawng sunzawm ih kai thei nak dingah Victoria ih tlawnginn le a mipi pawl hin nasa zetin tan an la tlang zia hmuh theih rori a si.

Term 4 sungah, Victoria kiangkap ih tlawngpawl in tlawngta pawl thinlung put lam kilkhawi in le an nun khawsatnak a rem thei nak dingah hmuittin in nasa zetin an tanpi nasa a si. Tlawng zirhtupawl khal in tlawngtapawl zirkum ding hrang le, bulpak zirkum harsatmi kai ban dingin le can pekbet tulmi tlawngta pawl a phunphun in an tah hnu ah bawm thei dang ding hawl in khua an ruat, in an zoh tha nasa.

Inn ihsi zirkum hi tlawngta zate hrangah danglam zetmi tawntehnak a si. Hrek khat tlawngtapawl in an thathnempi laiah, tlawngta hrek khat cu inn ihsi zir cu dawnkhamtu a si thei ko. Kan tlawngtam sawn hrangah, 2021 sungih an thiam ding zat le an thiam thei dan thansohnakpawl beiseimi level vekin kan bawm famkim zet a si. Tlawngta hrek khat pawl cu 2021 a hleice ih zirhnak hi an that hnempi zet ding a si.

Cui thu thawn pehpar awin, na ralrin vekin, Victoria Cozah in \$250 million hmangin Zirhtu Zirnnak neih (Tutor Learning Initiative) hrang an tuah dingih zirhtu 4,100 pawl cu 2021 ih tlawngtapawl tulmi bawm thei dingin zirhtu pekbet an si ding. Tlawnginn pawl in himi hmalaknak hi ziangtlukin tlawngtapawl hrang a tangkai ding timi thu bawhcatnak an tuah dingih tlawngtapawl khal tlawnginn ih cangvaihnak dangdang le zir dan dangdang malter in bawm an si ding.

Cumi hleice ih tlawngta bawmtu kan tuahnak ihsin, khan sungih zirhtu pawl in tlawngta dang pawl ih zir cawnnak pawl, an thanso dan ding lam zin le an nun an rem nak ding an hmu thei dingih, 2021ah cun tlawngta zaten an tul mi tuah sak famkim a si thei ding a si.

Zirhtu Zirternak neih (Tutor Learning Initiative) thu ah theihternak famkim, le ziangtin tlawngta bulpak zirkum a tulmi pawl tlawngin bawmnak a tuah ding ih, 2021 zirkum ah hman a si ding ti pawl cu an tuah ding a si.

Term 4 sungah, tlawnginn pawl in tlawngtapawl in inn ihsi zirkum an hmuhtawnmi le tlawnginn ih an zirsalnak thei dingin an tuah ding a si.

Na fa le tlawng ca an zirmi thawn pehparaw in theih duh na neih le, inn ih an zir sung le tlawnginn an kai sal thu thawn khal theih na duh cun nan tlawngin sut aw.